



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 2. An licet sequi opinionem minùs probabilem stantem pro libertate in  
concursu probabilioris stantis pro præcepto?

**urn:nbn:de:hbz:466:1-40986**

nabilem falsitatis, & pariat certitudinem moralem saltem relativam: quia, ut dixi c.2.q.1. Ad non peccandum requiritur iudicium certum saltem certitudine morali, quā prudenter excludatur dubitatio, & peccati formido saltem rationabilis. Hinc non licet sequi conscientiam minūs tutam, & minūs, aut non magis probabilem, quā sit tutior opposita, ut constabit etiam ex mox dicendis. E contra licet sequi conscientiam unicē probabilem, vel saltem longē probabiliorem oppositā, stante pro præcepto, non quidem quatenus est præcisē probabilis, sed quatenus est tunc moraliter certa.

Q. 2. *An licet sequi opinionem minūs probabilem stantem pro libertate, in concursu probabilioris stantis pro præcepto?*

*Resp.* Nunquam licet, sed semper tene-  
mur sequi probabiliorem, & tutiorem. Prob.  
1. ex Eccli. 3. *Ante omnia opera tua ver-  
bum verax præcedat te, & ante omnem  
actum consilium stabile,* Ibi traditur præ-  
ceptum generale sectandi veritatem, &  
faciendi, quod in nobis est, ad sectandam  
veritatem de licitate, seu honestate actūs.  
Sed qui sequitur opinionem minūs proba-  
bilem de honestate actūs, relictā probabi-  
liore de ejus malitia, non facit, quod in se  
est, ad sectandam veritatem de honestate

B 4

actūs:

actus : nam sequitur partem minus verisimilem , quae proinde à vero magis recedere ipsi videtur , relicta verisimiliore , & veritati propiore . Ergo .

2. Ille peccat , qui facit id , quod non potest judicare prudenter esse licitum : nam ad agendum , vel omittendum licet requiritur judicium prudens de honestate actus , vel omissionis . At sequens opinionem minus probabilem , & minus tutam non potest judicare prudenter actionem vel omissionem suam esse licitam : Ergo . *Prob. min.* Talis non potest judicare suam actionem , vel omissionem esse licitam , nisi in judicando preferat minorem verisimilitudinem majori , & motiva minus gravia , motivis gravioribus , ut patet . Sed qui in judicando prefert minorem verisimilitudinem majori , & motiva minus gravia motivis gravioribus , imprudenter judicat : Ergo sequens opinionem minus probabilem , &c. non potest , nisi imprudenter , judicare actionem vel omissionem suam esse licitam . *Minor* patet . Et verò ut intellectus prudenter procedat in judicando , debet in judicando , quantum in se est , vitare malum suum , nempe errorem . At hoc non facit , si in judicando preferat minorem verisimilitudinem majori ; nam intellectus non censetur in aestimatione prudenti vitare , quantum in se est , errorem , nisi cum in evidentiis amplectitur id , quod verum est ,

est, & in obscūris id, quod, omnibus diligenter perpensis, appareat verisimilius. Quare extat præceptum generale prudenter, ut in evidētibus sequamur veritatem notam de honestate actūs, & in obscūris verisimilitudinem majorem, & magis removentem à periculo agendi contra veram legem.

3. Tenemur observare præceptum, quod sufficienter proponitur ad obligandum, ut patet; & illud præceptum sufficienter proponitur ad obligandum, quod prudenter affirmari potest, nec nisi imprudenter negari, ut etiam patet. At tale est præceptum, quod appareat probabilius, cūm pro eo stent motiva graviora: prudenter enim in judicando præferuntur motiva graviora motivis minus gravibus, & major verisimilitudo minori, nec nisi imprudenter postponerentur.

4. Ut quis non peccet, debet habere iudicium saltem moraliter certum, quod aetio sua sit licita. Nam homo semper tenetur prudenter agere, nec licet se expondere periculo peccandi: prudentia autem, cūm sit virtus mentis practica, requirit certitudinem saltem moralem. At hoc iudicium habere non potest, sequendo opinionem minus probabilem, & minus tutam. Nam non potest illi apparere certum, quod actus sit licitus, cūm illi apparere certum, quod verisimilius sit, eum esse

B 5

illi-

illicitum: hæc enim judicia virtualiter opponuntur: *Mibi apparet certum, quod actus sit licitus, & simul: Mibi apparet certum, quod verisimilius sit, eum esse illicitum.*

s. Quia in concursu duarum opiniorum æquè probabilium tenemur sequi tutionem, ut modò probabo. Ergo à fortiori, &c.

Hinc collige nemini licere consilium dare secundùm opinionem, quæ ei minùs probabilis, & minùs tuta videtur, cùm nemini liceat secundùm illam operari, & nemini liceat consulere actum illicitum. Porro Adversarii fatentur, Professores in docendo teneri sequi sententiam probabiliorē, præsertim in rebus gravibus, quales sunt, quæ ad fidem, vel mores pertinent: quia ideo eis tale munus commissum est, ut Discipulos doceant probabiliora in rebus, quarum absoluta certitudo non est.

*Obj. i.* Opinio minùs probabilis in allata hypothesi est probabilis, habet motivum grave, ac rationabile: ergo. *R.* Opinio minùs probabilis in concursu tutioris probabilioris, aut æquè probabilis est ad summum probabilis speculativè, secundùm se, & absolutè: at non est probabilis practicè, & in ordine ad hīc & nunc operandum ex prudenti judicio de honestate, seu licitate actus. Habet motivum grave, aptum ad obtinendum assensum viri præ-

prudentis, si illud spectetur seorsim, & ab-solutè. Secùs, si spectetur comparatè ad motivum gravius, aut æquè grave in oppo-situm: nam motivum grave non potest prudenter in judicando præferri motivo graviori, aut æquè gravi in oppositum; nec proinde in hoc concursu potest fundare af-sensum prudentem de licitate actus.

Obj. 2. Opinio probabilis, hoc ipso quod sit probabilis, prudenter judicatur ut vera, etiam in tali concursu, & sic pruden-ter secundùm eam agimus. R. Hoc est fal-sum, ut constat ex dictis, & ex his propo-sitionibus ab Innoc. XI. damnatis. 3. Ge-neratim dum probabilitate sive intrinseca sive extrinseca quantumvis tenui, modo à probabilitatis finibus non exeat, confisi aliquid agimus, semper prudenter agi-mus. 4. Excusabitur infidelis non cre-dens, ductus opinione minus probabili. Er-go nec quisvis alius excusabitur, si talem opinionem sequatur in iis, quæ pertinent ad mores. Præterea opinio probabilis non potest, saltem prudenter, judicari ve-ra in concursu probabilioris oppositæ; cùm sit fundamentum gravius judicandi, eam esse falsam. Idem dic in concursu o-pinionis æquè probabilis, quia non est po-tior ratio eam judicandi veram, quam fal-sam; nec est sufficiens fundamentum at-tribuendi veritatem uni parti potius, quam alteri, cùm neutra appareat magis vera quam

quam falsa : unde intellectus tunc debet hærere suspensus, vel judicare rem esse dubiam.

*Obj. 3.* Motivum grave, hoc ipso quod grave sit, dignum est assensu, & facit magnam spem assequendæ veritatis. *R. Dist.* Quamdiu non appareat motivum gravius, vel æquale in oppositum. *Conc.* Cùm appareat motivum gravius, vel æquale pro opposita parte: *Nego*. Nam gravitas motivi vincitur per gravitatem majorem alterius oppositi, & non potest vincere gravitatem æqualem. Porro motivum grave non sic dicitur, qui meretur assensum in omni casu, sed tantum quia illum meretur, quamdiu ejus vis non superatur per majus motivum oppositum, vel non eliditur per æquale, quod vicissim elidit: nulla enim gravitas prævalere potest alteri majori, vel æquali oppositæ.

*Obj. 4.* Motivum per se sufficiens ad prudentem assensum semper ad eum sufficit. *R.* Motivum per se, & intrinsecè sufficiens ad prudentem assensum pro quocumque casu, semper sufficit ad prudentem assensum. At non semper ad prudentem assensum sufficit motivum, quod ad illum sufficiens est pro aliquibus tantum casibus. Motivum autem præcisè grave non est motivum per se, & intrinsecè sufficiens ad prudentem assensum pro quocumque casu: alioqui sufficeret etiam, dum postea occurrit

rit motivum evidens, & certum pro opposita parte.

*Obj. 5.* Lex non obligat, nisi cum certum & evidens sit illam existere. *R. Neg.* Quia 1. hoc continet laxitatem intolerabilem. 2. Inde sequeretur legem naturalem, quoad maximam sui partem, inutiliter latam esse a Deo. Nam ut patet ex dissidiis Doctorum circa innumeros penè casus, lex naturalis quoad maximam sui partem, & innumeros penè casus non cognoscitur evidenter. 3. Sequeretur licere sequi opinionem minus tutam, quamdiu haber aliquid probabilitatis, quod damnum est ab Innoc. XI. & econtra Cap. 44. *De sent. excom.* nam tamdiu opposita tunc non est evidenter vera. 4. Lex obligat, hoc ipso quod sit sufficienter proposita; & est sufficienter proposita hoc ipso quod sit probabilius illam existere: nam hoc ipso ejus existentia prudenter affirmari potest, & non nisi imprudenter negari, cum habeat motiva graviora.

*Obj. 6.* Potest quis per principia certa formare judicium prudens & certum, quod liceat sequi opinionem minus probabilem, & minus tutam in concursu tunc magis, aut æquè probabilis.

*Resp. N.* Nam principia Probabilistarum non sunt certa, sed controversa; immo sunt falsa, aut saltem dubia, ut patet ex nostris solutionibus. Unde non possunt fundare judi-

judicium moraliter certum de honestate  
actionis, vel omissionis.

*Obj. 7.* Summi Pontifices sæpè dispensarunt in casibus, in quibus minùs probabile erat, eos posse dispensare. Ergo sæpè fecuti sunt opinionem minùs probabilem, &c. *R. N. Ant.* Nam si qui in concedendis dispensationibus aliquando à communiori sui temporis sententia recesserunt, idèò ab ea discessere, quia post sufficien-tem veritatis inquisitionem, oppositam sententiam judicarunt esse longè probabiliorem ex motivis intrinsecis.

*Obj. 8. Cap. Si vir. 2.* De cognat. Spirit. dicitur: *Si vir, vel mulier scienter vel ignoranter filium suum de sacro fonte suscepit, an propter hoc separari debeant?* Consultationi tue taliter respondemus, quodquamvis generaliter sit institutum, ut debeant separari: quidam tamen humaniùs sentientes, aliter statuerunt. Ideoque nobis videtur, quod sive ex ignorantia, sive ex malitia id fecerint, non sunt ab invicem separandi: nec alter alteri debet debitum subtrahere, nisi ad continentiam servandam possint induci. Unde sic argumentaberis. Ibi Alexander III. Casum propositum decidit secundùm opinionem minùs probabilem, & minùs tutam, utpote faventem libertati, ut patet ex his verbis: *Quidam humaniùs sentientes aliter statuerunt.* Ergo.

*Resp.*

*R*esp. N. Ant. Et dico: Eum decidisse casum secundum opinionem farentem libertati, quia ei probabilius videbatur, ut patet ex ratione, quam subjicit: *quia*, inquit, *si ex ignorantia id factum est, eos ignorantia excusare videtur: si ex malitia, eis sua fraus non debet patrocinari, vel dolus.* Quare multi Canonistæ per tò humanius intelligunt æquiùs, rationabiliùs. Porrò ibi non permittit parenti, qui scienter filium de sacro fonte levârat, exigere debitum; sed præcisè statuit non ideo debitum denegari debere petenti. Præterea ibi agitur de eo, quod Pontifex, ut potest legislator supremus, mutare poterat, si magis expedire judicaret ad amovendum peccandi periculum.

*O*bj. 9. Cap. *Laudabilem.* De frigidis. Ubi Cælestinus III. Triennium experientiæ concedit eis, qui matrimonium contraxerunt, si dubitent, an impotentia sit absoluta, vel temporalis. *R.* Ex hoc capitulo nil concludi potest contra nos: nam etiam si minus probabile esset, illos sub finem triennii fore impotentes; tamen certum est i. Ecclesiam in dubio an impotentia sit absoluta, an temporalis, posse certum tempus experientiæ concedere iis, qui jam contraxerunt: Alioqui si hoc non concederetur, vel Matrimonium dissolveretur in dubio de ejus valore, quod non licet; vel contrahentibus prohibendum esset, ne in

in tali dubio uterentur conjugio , & ne aliud inirent , quod etiam fieri non potest si ne injuria illorum , qui bonâ fide contraxerunt , & sine necessitate , & culpâ suâ exponerentur periculo incontinentiæ . 2. Tempus illud triennii prudenter constitutum esse , ut adhibitis mediis possibilibus , & licitis conentur impotentiam tollere : nam hoc tempus nec nimis breve , nec nimis longum est , & circa finem triennii impotentia tandem cessare potest.

*Obj. 10. Cap. Litteras.* De restit. Spoliat. *R.* In hoc capitulo Innocentius III. præcisè relinquit duabus sententiis oppositis suam probabilitatem speculativam & absolutam , quam habebant. Unde non vult damnare eum , qui alterutram eligit prudenter , ideoque putans , eam esse probabilem. Ipse vero tertiam eligit , quia ei videbatur probabilius , nolens tamen definire veritatem , aut falsitatem aliarum. Præterea duæ illæ aliæ sententiæ priores , quas exponit , singulæ stant pro lege , licet diversâ , non autem pro liberate : nam prima stat pro lege justitiæ , & jure mariti contra libertatem mulieris , altera vero pro lege Matrimonium inter consanguineos vetante.

*Obj. 11.* Omnes ferè Doctores 17. Saeculi docuerunt licere sequi opinionem minus probabilem , & minus tutam. *R. I.* Illis oppono tum veteres Doctores qui

qui ante An. 1571. floruerunt. Nam Anton. Cordubensis in suo Quæstionario. L. 2. q. 3. post quam dixit tenendam esse partem tutiorem, quando probabilior est, addit: & in hoc omnes Doctores consentiunt; Tum Clerum Gallicanum, & innumeros Recentiores ex omni natione, & ordine, qui nunc remeliūs perpensa oppositum docent. 2. Plurimi ex illis, qui nobis objiciuntur, docuerunt solam licere sequi opinionem minus tutam, quæ communius ab aliis haberetur minus probabilis, quando operanti post diligen- tem veritatis inquisitionem apparet certò probabilior ex ratione. 3. In tantum opinio aliqua censi potest probabilior propter majorem numerum Doctorum eam tacentium, in quantum idcirco rectè præsumitur habere pro se graviora motiva ex Scriptura, Traditione, vel Ratione pe- tita. At jam hæc motiva habere pro se rectè præsumi non potest probabilismus, cum oppositum jam pridem à multis osten- sum sit. 4. Probabilitas extrinseca petita scilicet ab autoritate Probabilistarum non plus valere debet apud eos, qui per se veritatem explorare debent, quām valeat pondus rationum quibus nititur probabi- lismus: quæ profectò rationes certitudi- nem moralem nunquam fundare possunt. 5. Sicut ille imprudenter agit, qui in agen- do sequitur judicium multorum, & gravi-

Tom. I.

C

um

## TRACTATUS

34

um virorum, quos ei aliunde evidens est errare: ita ille imprudenter agit, qui in agendo sequitur judicium multorum, & gravium virorum, quos ei, omnibus maturè consideratis, verisimilius est errare.

6 Multæ olim viguerunt opiniones, quæ postea diligentius expensæ, omnino evanuerunt. *Observa.* Nemo è Societate nostra ex professo probabilismum, cuius author fuisse fertur Bartholom. Medina ex alio Ordine, amplexus est, & pro eo scripsit, nisi postquam ita invaluerat, ut jam esset communis scholarum omnium doctrina. Nam Vasquez, qui primus è Societate nostra hunc ex professo amplexus est, testatur, tunc fuisse inter Doctores communem. Primi verò probabilismi impugnatores è Societate nostra prodiere videlicet Rebellus Tom. I. De justitia edito An. 1608. Comitolus L. 2. Respons. Moral. q. 18. n. 6. edit. An. 1609. Et Andreas Blanus sub nomine Candidi Philaleti tract. de opinionum praxi edito An. 1642. quos secuti sunt multi alii ex eadem Societate, ut de Elizalde, Estrix, R. P. Thyrus Gonzales Præpositus Generalis, De Camargo, Malatra, Gisbert, &c. His adde Reginal. L. 11. Cap. 3. Cardinal. Bellarmin. & plurimos Professores Theologiæ, quotidie impugnantes probabilismum, quem Congregatio generalis 13. An. 1687. declaravit non esse doctrinam Societatis. Et verò S.

Igna-

Ignatius Societatis nostræ Institutio hanc prudentiæ regulam omnibus Societatis Professoribus præscribit, ut sequantur in quavis facultate securiore, & magis approbatam doctrinam. Const. p. 4. c. 5.

Q. 3. An licet sequi opinionem minùs tutam, seu stantem pro libertate, in concursu opinionis aquè probabilis tūtioris, seu stantis pro præcepto?

Resp. Neg. Quia i. extat illud præceptum generale lumine naturali notum, & in jure canonico sæpè à summis Pontifici- bus traditum ut principium decisionum: *In dubiis tūtior pars est eligenda.* ut c. 5. de clero excom. *In dubiis tūtior pars est eligenda.* & c. 12. de Homici. Cūm in du- biis semitam debeamus eligere tūtiorē. & c. 3. de Sponsal. Quia igitur in his, quæ dubia sunt, quod certius existimamus, tenere debemus, &c. Alioqui enim ope- rans exponit se periculo faciendi contra legem, & peccandi. At in concursu dua- rum opinionum æquè probabilium est ve- rum dubium, ut docet S. Thom. Q. 14. De verit. A. 1. & S. Antonin. I. p. Tit. 20. De regulis juris. Nam est vera suspensio judicii de veritate, & falsitate, ob motiva pro utraque parte æqualia: neque enim est potior ratio judicandi unam opinio- nem esse veram, quam alteram, cūm neutra plus minùsve appareat vera, aut verisimi- lis quam altera: & sic intellectus necessa-